

Na osnovu člana 24. i člana 44. Statuta „Asocijacije kompozitora-muzičkih stvaralaca“ (U daljem tekstu: Udruženje), Skupština Udruženja na sjednici održanoj dana 15.06.2016. godine donijela je

PRAVILNIK O DODJELI NAGRADA

Član 1.

Pravilnikom o dodjeli nagrada (U daljem tekstu: Pravilnik) propisuju se postupak, način i uslovi dodjele nagrada Udruženja.

Gramatička terminologija u ovom Pravilniku podrazumijeva uključivanje oba roda.

Član 2.

Udruženje dodjeljuje nagrade jednom godišnje.

Član 3.

Nagrade se mogu dodijeliti članovima Udruženja i osobama i institucijama koji nisu članovi Udruženja, a koji su posebno zaslužni za razvoj i unaprjeđenje autorskih prava u Bosni i Hercegovini i pomaganje u promociji i ostvarivanju ciljeva Udruženja.

Član 4.

U skladu s ovim Pravilnikom, Udruženje dodjeljuje sljedeće nagrade:

1. Nagrada „Avdo Smailović“ (za autorsko stvaralaštvo u području ozbiljne muzike);
2. Nagrada „Fra Grgo Martić“ (za promociju muzike naroda u BiH);
3. Nagrada „Vlado Milošević“ (za muzičku publicistiku i muzikologiju);
4. Nagrada „Kemal Monteno“ (za autorsko stvaralaštvo u području zabavne/popularne muzike);
5. Nagrada „Ismet Alajbegović Šerbo“ (za autorsko stvaralaštvo na temeljima tradicionalne muzike);
6. Nagrada „Slobodan Bodo Kovačević“ (za autorsko stvaralaštvo u oblasti instrumentalne muzike);
7. Nagrada „Dražen Ričl“ (za najboljeg mladog autora);
8. Nagrada „Cvjetko Rihtman“ (za najboljeg studenta muzičkih akademija u BiH);
9. Nagrada „Oskar Danon“ (za afirmaciju položaja muzičkih autora i muzičkih autorskih prava u BiH); i
10. Nagrada za životno djelo.

Nagrade iz prethodnog stava pod brojevima od 1 do 7 se dodjeljuju najboljim umjetničkim dostignućima muzičkih stvaralaca koja su bila ostvarena, prikazana ili objavljena tokom protekle godine.

Nagrada pod brojem 8. dodjeljuje se najboljem studentu na muzičkoj akademiji u protekloj akademskoj godini.

Nagrada pod rednim brojem 9. dodjeljuje se osobama i institucijama koji su afirmisali ili afirmišu položaj muzičkih autora i muzičkih autorskih prava u BiH.

Nagrada pod brojem 10. dodjeljuje se članu Udruženja, koji je u dužem periodu aktivno i uspješno stvarao muzička djela i doprinio razvoju Udruženja i postizanju ciljeva Udruženja.

Član 5.

Udruženje dodjeljuje nagrade temeljem Konkursa za dodjelu nagrada Udruženja (U daljnjem tekstu: Konkurs) kojeg Upravni odbor Udruženja raspisuje početkom svake godine za proteklu godinu.

Konkurs se objavljuje u Autorskim novinama Udruženja te na web stranici Udruženja.

Tekst konkursa mora sadržavati:

- tačan naziv nagrada u skladu sa članom 4. ovog Pravilnika
- mjerila za dodjelu nagrada
- postupak predlaganja
- adresu i rok za dostavu prijedloga.

Član 6.

Kandidate za nagrade Udruženja mogu predlagati ustanove, udruženja i druge organizacije, te fizičke osobe, no ne mogu predložiti sami sebe.

Nagrade se načelno dodjeljuju državljanima Bosne i Hercegovine i pravnim licima sa sjedištem u Bosni i Hercegovini.

Član 7.

Prijedlozi za dodjelu nagrada podnose se u pisanom obliku Upravnom odboru Udruženja.

Prijedlog za dodjelu nagrade Udruženja mora sadržavati:

- a) ime kandidata, naziv kategorije u kojoj se nagrada predlaže te naziv, vrijeme i mjesto nastanka ostvarenja radi kojeg se dotični kandiduje za nagradu;
- b) obrazloženje kandidature za nagradu (opis značaja i kvalitete ostvarenja s obzirom na uslove u kojima je postignuto);
- c) popratnu dokumentaciju i to: snimke, muzičke radove, partiture, knjige, fotografije ili druge materijale objavljene u različitim medijima.

Prijedlog Nagrade za životno djelo mora sadržavati:

- a) ime kandidata;
- b) obrazloženje kandidature za nagradu (opis značaja i kvalitete životnog ostvarenja kandidata s obzirom na uslove i okolnosti u kojima je postignuto);
- c) popratne materijale: životopis i bibliografiju, odnosno popis kandidatovih djela.

Prijedlog nagrade za najboljeg studenta muzičke akademije mora sadržavati:

- a) ime kandidata;
- b) obrazloženje kandidature za nagradu (opis značaja i kvalitete životnog ostvarenja kandidata s obzirom na uslove i okolnosti u kojima je postignuto);
- c) popratne materijale: životopis i bibliografiju, odnosno popis kandidatovih ocjena iz protekle akademske godine.

Član 8.

Nakon isteka roka za dostavu prijedloga iz Člana 5. ovog Pravilnika, Upravni odbor Udruženja imenuje Komisiju za nagrade od tri ili od pet članova (U daljem tekstu: Komisija), vodeći računa o zastupljenosti stručnjaka za pojedina područja, te o regionalnoj zastupljenosti.

Predsjednik Upravnog odbora Udruženja je po funkciji član Komisije.

Član 9.

Komisija radi i odlučuje na nejavnim sjednicama o kojima se vodi zapisnik.

Stručne i administrativne poslove Komisije vodi sekretar Udruženja.

Komisija može zahtijevati dopunu prijedloga ukoliko predlagatelj nije podnio prijedlog u skladu sa ovim Pravilnikom. Ukoliko predlagatelj ne udovolji zahtjevu komisije u roku od 15 dana, smatraće se da je odustao od prijedloga.

Komisija ima pravo prispjelim prijedlozima promijeniti kategoriju.

U slučaju kada je za priznanje predložen neki od članova Komisije, on ne može učestvovati u radu Komisije i odlučivanju o tom prijedlogu.

Komisija donosi odluke većinom glasova.

Član 10.

Nakon što Komisija razmotri prijedloge za dodjelu nagrada, podnosi konačan prijedlog za dodjelu nagrada Upravnom odboru Udruženja.

Imena i/ili nazive predloženih Komisija je dužna čuvati kao tajnu do sjednice Upravnog odbora Udruženja na kojoj će biti donesena odluka o dodjeli nagrada.

Konačnu odluku o dodjeli nagrada Udruženja donosi Upravni odbor Udruženja.

Odluka o dodjeli nagrada se obrazlaže u pisanom obliku.

Odluka o dodjeli nagrada objavljuje se u Autorskim novinama i na web stranici Udruženja.

O dobitnicima nagrada, priznanja i zahvalnica vodi se posebna evidencija s odgovarajućom dokumentacijom.

Evidenciju i dokumentaciju iz prethodnog stava čuva sekretar Udruženja.

Član 11.

Moguće je dodijeliti više godišnjih nagrada u istoj kategoriji.

Upravni odbor Udruženja može odlučiti da se pojedine nagrade ne dodijele.

Član 12.

Nagrade se uručuju na godišnjoj sjednici Skupštine Udruženja ili na posebnoj svečanosti koju organizuje Upravni odbor Udruženja.

Nagrade uručuje Predsjednik Skupštine Udruženja ili osoba koju on ovlasti.

Član 13.

Nagrade od broja 1 do broja 7 i nagrade broj 9 i 10 iz Člana 4. ovog Pravilnika dodjeljuju se u obliku priznanja, čiji sadržaj i oblik utvrđuje Upravni odbor Udruženja.

Nagrada pod brojem 8 iz Člana 4. ovog Pravilnika je novčana nagrada.

Novčana nagrada osigurava se iz Fonda za kulturne i socijalne namjene Udruženja.

Član 14.

Udruženje može dodjeljivati stručne nagrade i na muzičkim festivalima i sličnim muzičkim manifestacijama, najboljim učesnicima tih festivala i manifestacija - autorima muzičkih djela.

Odluku o dodjeli nagrada iz prethodnog stava donosi Upravni odbor, koji imenuje osobe koje će dodijeliti nagrade.

Ukoliko su nagrade iz prethodnog stava novčane, osiguravaju se iz Fonda za kulturne i socijalne namjene Udruženja.

Član 15.

Ovaj Pravilnik stupa na snagu danom donošenja.

Broj: P-10/16
Sarajevo, 15.06.2016.



Predsjednik Skupštine Udruženja
Edin Dervišhalidović